



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na tur alumno di Colegio Arubano y nan  
mayor/cuidadonan

Oranjestad, 10 di maart 2023

### **COLAUA: 2022/2023–179**

Topico: Dato y acontecimentonan importante na maart

Apreciabel mayor/cuidado y alumno,

Awe tabata e ultimo dia di e periodo di CP/SE. Algun alumno di examenklas tin otro siman ainda examen oral. Despues di esey tur SE ta tras di lomba y nan por concentra riba examen final. E otro alumnonan tabatin awe e ultimo pruebanan di CP pa periodo 2 di rapport y ta cuminsa dialuna venidero cu periodo 3 di rapport. Den e carta aki ta ricibi algun anuncio importante pa e luna aki.

#### **Conector nobo pa Ciclo Basico**

E luna aki ta pa juffrouw Mariana Jimenez e ultimo luna como conector na Colegio Arubano. Fin di otro luna e lo cuminsa un reto nobo na un otro scol. Mientras tanto a nombra un conector nobo y esey ta juffrouw Jennifer Arends-Reyes. Juffrouw Arends-Reyes ta traha cu nos caba como docente di Ingles. Debi na e cambio aki e otro docentenan di Ingles lo tuma su lesnan over. E cambio aki lo drenta na vigor entrante dialuna.

#### **Cambio di rooster entrante 13 di maart**

Tin cambio di rooster pa entre otro e nombracion di e conector nobo di Ciclo Basico, y tambe pa motibo di ausencia door di enfermedad di dos docente pa un temporada largo. E rooster di les lo cambia pa un par di klas. Via Magister lo anuncia e cambionan di rooster. Ta importante pa cada estudiante comproba bon cua materia nan tin dialuna venidero, pa nan no haya sorpresa.

#### **En conexion cu Himno y Bandera, scol lo ta cera diabierna, 17 di maart**

Diabierna, 17 di maart ta un dia di vakantie pa enseñansa. Esaki relaciona cu Himno y Bandera, cu e aña aki a cay riba un diasabra. Como consecuencia di e perdida di les, riba un par di diabierna den e periodo nos dilanti, lo uza e rooster di diabierna riba diaranson, 5 di april. A tene cuenta cu esaki caba den e planificacion anual cu a manda na inicio di aña escolar y cu ta riba nos website.

#### **Lesnan di duracion cortico relaciona cu reunionnan pa rapport**

Di dialuna 27 te cu diabierna 31 di maart lo tin reunionnan pa rapport ta tuma luga. Durante e reunionnan ta evalua e periodo pasa y confirma e cifranan pa e periodo di e di dos rapport. Pa e motibonan aki e lesnan ta 10 minuut mas cortico cu normal. E rooster di les ta como lo siguiente:

E di 1 ora	7.30 – 8.05
E di 2 ora	8.05 – 8.40
E di 3 ora	8.40 – 9.15
E di 4 ora	9.15 – 9.50
Pauze	9.50 – 10.20
E di 5 ora	10.20 – 10.55
E di 6 ora	10.55 – 11.30
E di 7 ora	11.30 – 12.05
E di 8 ora	12.05 – 12.40
E di 9 ora	12.40 – 13.15

***Musical All that glitters is not gold***

E seccion di CKV a prepara hunto cu un grupo grandi di alumno un *musical* fantastico. Den e *musical* ta bin dilanti tur cuater disciplina cu nos scol ta ofrece. E *musical* ta tuma luga riba 23 y 24 di maart durante oranan di mainta pa nos alumnonan. Diabierna, 24 di maart pa 19.30 tin un presentacion pa publico general. Carchi ta na benta pa Afl. 15,00 na e oficina di administracion di scol.

Pa clausura, nos ta desea tur alumno hopi exito cu e ultimo periodo!

Cu un cordial saludo,  
Den nomber di rectorado,



T.R. Croes M. Ed  
Rector